



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 8. Innocentius Papa in Monasterio San-Dionysiano.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.

§. VIII.

A.C. 1131.

Innocentius Papa in Monasterio San-
Dionysiano.

Suger. vit. **L**eodio Papa in Franciam rediit, & in
Lud. p. 319. Abbatia S. Dionysii Festum Paschæ,
quod hoc anno millesimo centesimo tri-
gesimo primo in diem decimam nonam
Aprilis incidebat, celebravit. Illuc Fe-
ria quarta in Hebdomada Majore perve-
nientem Sugerius Abbas, cum tota sua
Congregatione procedens, excepit. Pa-
pa in Cæna Domini more Romano Offi-
cium celebravit, & Donativum munifi-
centissimum, quod *Presbyterum* nomina-
bant, distribui jussit. Officium quoque
in Parasceve & in Sabbato Sancto, tota
nocte vigilans peregit. In Dominica
autem quasi secreto egressus est cum Mi-
nistris suis ad S. Dionysium *de Lestrée*;
ubi omnes Romanum cultum induerunt.
Tum inde exiit Papa conscenso equo al-
bo & palliato, gestans in capite Tiaram
operis Phrygii cum circulo aureo. Mi-
nistri quoque bini procedebant insiden-
tes equis, quos alba stragula & phalera
ornabant. Barones, Ecclesiæ S. Dio-
nyssii Vasalli, & Castellorum Præfecti, pe-
dibus ibant, equitantem Papam prehen-
so equi freno deducentes. Quidam
etiam prævii, ut turbam impredientem
removerent, copiosam monetam jaçita-
bant.

bant. Platea falicibus & inde penden-
 tibus aulæis rutilabat. Nobiles, popu-
 lusque obsequii causa occurrebant, & ne
 quidem Judæi in colendo Papa ceteris
 tardiores videri volebant, quibus, sibi
 Librum Legis involutum & velo te-
 ctum offerentibus, inquit Papa, *auferat*
Deus omnipotens velamen a cordibus ve-
stris. Hoc apparatu Innocentius Papa
 ad magnam Basilicam, vasis pretiosissimis
 decoratam, undique auro gemmisque
 splendentibus, pervenit, & Sacris solemni
 ritu, Abbate & Monachis ministrantibus,
 operatus est. Missa completa, Pontifex
 ejusque Comites in Monasterium peri-
 stromatis ornatum deducuntur, ubi para-
 tæ erant mensæ. Et primo, cubantes
 more veterum, agnum manducarunt,
 cetera fercula, ut alias adsueverant, co-
 mederunt. Sequenti die ex Ecclesia S.
 Remigii ad Majorem Ecclesiam processerunt,
 sicque tribus post Pascha diebus
 transactis Parisios venerunt, ubi Rex
 Pontifici, gratias dicenti, consilium & au-
 xilium promisit.

Exinde Papa Franciæ Ecclesias iustra-
 vit, sua abundantia ejus inopiam suble-
 vantes; quod non levi oneri fuit, quo-
 niam Curia Romanæ præfectos, & per-
 multos Clientes secum trahēbat, de re-
 ditibus vero Sacrae Sedis in Italia nihil
 percipiebat. Aliquamdiu deinde Com-
 pendii

U u 2

pendii

Sæcul. XII.
A.C. 1131.

Secul. XII. pendii moratus totum annum millesimum centesimum trigessimum primum
 A.C. 1131. in Francia consumpsit.

§. IX.

Concilium Remense.

Innocentius Papa omnes Occidentis Episcopos ad Concilium circa Festum S. Lucae Remis celebrandum convocavit; ecc vero dum ad iter faciendum se comparant, tristis casus urbem Parisiensem funestavit. Rex Ludovicus Crassus, decima quarta Aprilis anno millesimo centesimo vigesimo nono, Philippum filium suum, natu majorem, puerum formosum & magnæ spei, Regem ungi & coronari jusserat; sed eum, cum quadam die juvenili alacritate armigerum in platea insequitur, equus, animal natura sua ad omnia pavidum, forte sub pedibus ejus decurrentis porci specie consternatus, in terram effudit, lapsu tam infausto, ut subjectum sui corporis mole miserrime contriverit. Infelix Princeps nocte proxima sine confessione vel Viatico extinctus est, decima tertia Octobris. Corpus in Monasterio S. Dionysii terræ mandatum. Hujus mortis nuncio accepto Pontifex missos ad Regem parentem Geofridum Episcopum Catalaunensem, & Cardinalem Matthæum Episcopum Albanensem suo nomine consolationem suggerere jussit;

Sup. vit.
Lud. p. 318.
Order. l. 13.
p. 895.
Chron. Maurin. p. 377.